

INUIT ATAQATIGIIT

Inatsisartuni



UKA 2018/205

09.10.2018

Mimi Karlsen

Uunga siunnersuut: Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq

(Ilinniartitaanermut, Kultureqarnermut, Ilageeqarnermut, Nunanut Allanullu Naalakkersuisoq)

Naalakkersuisut aalajangiiffigisassatut siunnersuutaannut qulaani pineqartunut, Inuit Ataqatigiinniit matumuuna siullermeerinninnermi imaattumik oqaaseqaateqassaagut.

Matumani siunnersuummi pineqartut tassaapput ilagiit pillugit Inatsisartut inatsisaannik allanngortitsineq.

Inuit Ataqatigiinni isumaqarpugut ilagiinni sulisut, palasit, ajoqit, pattattut minnerunngitsumillu ilagiit sinniisaat ilageeqarnermi annertuumik kivitseqataasut. Tamannalu iluatsillugu inuiaqatigiinni timikkut anersaakkut tarnikkullu suleqataanerat pillugu qutsavigimavavut. Nunami maani ilagiit inoqarfinni siammarsimapput inooqataanikkullu annertuumik sunniuteqartumik inissisimaffeqarlutik, Ilagiillu pisariaqatinneqarnerat Inuit Ataqatigiit ilisimaaraarput.

Siunnersuummi inatsisimmi pioreersumi allannguutit arlaqartut erseqqissarneqarlutik suliarimeqarsimapput aammattaaq ajoqinik organistinillu ilinniartitsinermut aqqissuussineq Biskopimit aalajangersaasartunngornissaa siunnersuutaalluni. Aammattaaq siunnersuutip ilagaa oqaluffiup naliginnaasumik ammsarfiisa avataasigut pulaartoqarnermi akiliuteqartitsisarnissaq. Tamannali ilagiit sinniisaasa ataasiakkaarlutik aaliangertassagaat erseqqissaatigineqarluni.

Ilagiit sinniisaasa takornariat oqaluffinnut iserneranni akiliisitsisarnissaat ataatsimiitsitaliami eqqartorluartariaqarparput. Ilagiimmi sinniisaasa aningaasanik isertitsiniarlutik allanik periarfissinneqarsinnaappat? Tamanna ataatsimiitsitaliami

INUIT ATAQATIGIIT

Inatsisartuni



eqqartussallugu pingaaruteqarpoq.

Inuit Ataqatigiit siunnersuutigineqartut inatsisinik ersarissaanermik imaqartut paasivaat, inatsisilli nutartikkap qanoq ililluni atuutsinneqalerpat nakkutigineqassanersoq annertunerusumik paasisaqarfigiumallugu siunnersuut aappasaanerinninnermi ataatismiisitaliamut ingerlateqqipparput.